

讀史方輿紀要

辛丑仲秋

安師題簽

廣西方輿紀要序

廣西之地不必無所事於天下然欲保據一隅幸天下之不爲我患則勢有所不能何也始安之嶠吾境內之險也桂嶺左右可飛越者不一處棧嶺嶠之材浮湘水而下席捲衡水風趣長沙湖南一傾則湖北必動動湖北則中原之聲勢通矣昔人言用閩浙不如用粵東用粵東不如用粵西何也其所出之途易而湖南之險與我共之也昔者黃巢肆禍轉入廣南議者謂廣南繁富山嶺間阻賊必欲藉以自固勢且不能驟出惟高駢昌言於朝請敕荆南鎮將守桂梧昭永四州之險不聽旣而賊從桂州編筏浮湘水歷衡永抵潭州欲徑上襄陽不果乃逾江而東又渡淮而北入東都陷長安禍乃遍於天下問其發軔之始則桂州也蒙古兀良合台從雲南入交趾可謂艱遠之至矣一旦從交趾而北破橫山進陷賓州象州入靜江遂踰嶺而進破沅辰戰於潭州城下與夫淮北之師聲援相接也繼又趣湖北渡江而去當是時宋人戰戍之兵不下數十萬而敵之出沒常若無人之境是則善用兵者交趾且可以歷湖湘涉江淮也況其爲粵西乎吾故曰所出之途易也然則粵西何以不可守曰以粵西守則形見勢屈敵之加我數道而至則我必困矣昔者尉佗兼有粵西其後牂牁灘水之師入而屈於漢李襲志堅守始安卒并於蕭銑劉士政保靜江而馬殷取之繼又爲南漢所奪宋潘美南伐由道州而進克富川拔賀州而昭州桂州次第舉矣馬瑩宋名將也拮据靜江而卒爲蒙古所陷明初取廣西楊璟由永州而入南攻靜江廖永忠則自廣州抵梧州由平樂以趣靜江靜江下而兩江谿峒且望風款伏矣

吾未見以廣西而能倔強自雄使敵不能至城下卽至而猶保其境內者也然則何以策廣西曰廣西者圖之間暇之時則有濟謀之倉卒之頃則無及也往者中原多難時兩粵猶稱樂土誠得一深識遠慮有志於天下事者周旋其間埭江上下田土膏腴耕屯可以足食也其民與蠻獠雜處慣歷險阻便習弓弩訓練可以足兵也兵食旣足隱然有以持天下之後遠之可以擊楫江淮近亦可以揚鞭荆楚流寇雖訐猶足有爲也或曰爲廣西計亦極難耳昔人言廣西之境大約狼人半之獠獠三之民居二之以區區二分之民介蠻夷之中一有舉動掣肘隨至未暇爲遠謀也曰不然當秦之季五嶺以南草昧方闢耳尉佗自稱蠻夷大長是也然佗猶能以兵威邊財物賂遺閩越西征甌駱役屬焉故以漢之強大而佗猶能與抗今誠奉天子之命開府粵西以奔走封內蠻狼獠獠何不可爲吾用吾以信義先之財賞驅之威令制之部伍明賞罰當兩江酋長必率先趣命而獠獠之材能者吾亦擇而官之使督率其種落以供我之驅使則勝兵十萬可得也昔獠賊作亂官兵討之其人善登巖崖攀緣樹木捷如猿猴追襲所不能及又善制毒矢每發必中中者輒斃官軍憚之以向之爲我患者轉爲我用駕馭有方樞機在握相時之宜併力北向流賊猶敢當其鋒哉不此之爲而顧從容嘯傲如承平故事迨夫始安之嶠已踰巖關之戍已遁而會城之人尙處堂晏如嗚呼是猶刀俎在前以腰領界之而已矣天下事其孰任之哉

廣西一

禹貢荊州南徼地商周時皆為蠻夷國所謂百越地也亦謂之南越

杜佑曰南越亦曰蠻越戰國時吳起相楚南并蠻越是也其屬有甌越雒越種類甚

蕃故曰百越後又謂其在天文則翼軫分野也秦始皇平南越此為桂林象郡地秦末趙佗兼據此漢元鼎六

年討平之其地分領於荊交二州刺史後漢因之三國屬於吳此為荊州及廣州地晉時屬於廣州

永和初割始安臨賀

二郡屬於湘州咸和四年復故義熙八年復屬於湘州十三年復故

宋屬湘廣二州齊梁因之隋屬揚州部而不詳所統隋末為蕭銑所據唐討

平之貞觀初屬嶺南道咸通三年始分為嶺南西道

治邕州

唐末屬於湖南馬氏五代周廣順初屬於南漢宋初

屬廣南路至道三年分為廣南西路

治桂州

元初置廣西等道宣慰司隸湖廣行省至正中始分置廣西等處行

中書省明朝洪武九年改置廣西等處承宣布政使司今領府十一

內驩麻府三

州四十七

內驩麻者

縣五十三

廣者

又驩麻長官司四

總為里一千一百八十三夏秋二稅約四十三萬一千三百六十石有奇

而衛所參列其中今仍為廣西布政使司

桂林府

屬州二縣七

臨桂縣

附郭

興安縣

靈川縣

陽朔縣

全州

領縣一

灌陽縣

永甯州 領縣二

永福縣 義甯縣

平樂府 屬州一 縣七

平樂縣 附郭 恭城縣

富川縣

賀縣

荔浦縣

修仁縣

昭平縣

永安州 五屯守禦千戶所附見

梧州府 屬州一 縣九

蒼梧縣 附郭

藤縣

容縣

岑溪縣

懷集縣

鬱林州

博白縣

北流縣

陸川縣

興業縣

潯州府 屬縣三

桂平縣 附郭 平南縣

貴縣

柳州府 屬州二 縣七

馬平縣 附郭 雒容縣

柳城縣

羅城縣

懷遠縣

融縣

來賓縣

象州 領縣一

武宣縣

賓州

領縣二

遷江縣

上林縣

南丹衛邊江屯田千戶所附見

慶遠府

屬州四

縣五

宜山縣

附郭

天河縣

河池州

領縣二

思恩縣

荔波縣

南丹州

東蘭州

那池州

領縣一

長官司二

忻城縣

永順長官司

永定長官司

河池守禦千戶所附見

南甯府

屬州七

縣三

宣化縣

附郭

隆安縣

橫州

領縣一

永瀘縣

新甯州

上思州

歸德州

果化州

忠州

下雷州

馴象衛附見

太平府

屬州十八縣二

崇善縣

附郭

左州

養利州

永康州

上石西州

太平州

思城州

安平州

萬承州

全茗州

鎮遠州

思同州

茗盈州

龍英州

結安州

結倫州

都結州

上下凍州

思明州

陀陵縣

羅陽縣

思恩軍民府 屬縣一

武緣縣

鎮安府

直隸歸順府

思明府 屬州一

下石西州 祿州西平州附見

直隸田州 屬縣一

上林縣 恩城州上隆州附見

直隸泗城州 屬縣

程縣

直隸利州

直隸奉議州

直隸向武州 屬縣一

富勞縣

直隸都康州

直隸江州

羅白縣

直隸思陵州

直隸龍州

直隸憑祥州

直隸上林長官司

直隸安隆長官司

東達湘水 湘水出桂林府興安縣南九十里之海陽山經全州南而東北流入湖廣永州府境出湘水則湖南之地在襟帶間矣

南控交趾 自南甯府南及太平府鎮安府思明府以及思陵州龍州憑祥州之西境南境皆與交趾接界
西接滇黔 自泗城州而西出上林安隆二長官司俱接雲南廣南府界由泗城州而北則達貴州之永甯州
又自利州北境以迄慶遠府之北柳州府之西北皆與貴州接壤也

北逾五嶺 五嶺在廣西北境者一自湖廣道州入平樂府賀縣者萌渚嶺也自全州入桂林府者越城嶺也
全州舊屬湖南 蓋廣西之地實踰嶺而北矣

其名山則有越城嶺

萌渚嶺附

越城嶺在桂林府興安縣北三里一名臨源嶺亦曰始安嶠通典五嶺以次而西

其第五嶺曰越城嶺在始安郡北零陵郡南蓋自衡山以南東窮於海皆一山之限耳漢武帝元鼎中遣路博德出桂陽下遼水路蓋出於此後漢建初八年鄭宏爲大司農舊交趾七郡貢獻轉運皆從東冶汎海而

至

東冶今福建侯官縣

風波間阻沈溺相係宏奏開零陵桂陽嶠道自是遂爲通路建安十六年交州刺史賴恭自廣

信

今梧州府

合兵出零陵憩於越城嶺却步隴卽此嶺也水經注灘水與湘水出海陽山而分源湘灘之間陸地

廣百餘步謂之始安嶠亦曰越城嶠者是也又其地臨湘灘二水之源亦謂之臨源嶺又謂之全義嶺

以興安縣

本名全義也

唐光化二年靜海帥劉士政以馬殷悉定嶺北地大懼遣將戴可璠屯全義嶺備之爲馬殷將秦彥

暉所破後唐清泰三年楚王馬希範疑其弟靜江帥希杲會漢兵侵蒙桂二州遂自帥軍如桂州踰全義嶺

而南名爲禦漢實以防希杲也王氏曰從來越全義則已奪桂州之險蓋粵西之咽喉實自全義嶺操之其

在平樂府賀縣東北二百里者曰萌渚嶺

萌亦作昨

與湖廣永州府道州江華縣接界盤峙百餘里其水道皆南

北分流亦曰萌渚嶠亦曰臨賀嶺亦曰白芒嶺亦曰桂嶺廣州記五嶺一曰臨賀丹鉛錄萌渚之嶠在臨賀

卽此矣晉建興初荊州刺史陶侃擊杜崱於此隋開皇十七年桂州李世賢反詔虞慶則討平之將還潭州

臨桂嶺觀眺山川形勢曰此城險固加以足糧若守得其人攻不可拔

爲怨者誣以謀反坐死

宋開寶三年潘美擊劉

鋹自臨賀而南紹興三年羣盜曹成據道賀二州岳飛討之追破之於賀州成乃自桂嶺置砦至北藏嶺連

控扼道以衆十萬守蓬頭嶺既而飛登桂嶺破之成奔連州又走邵州蓋北藏蓬頭二嶺俱與桂嶺相接也
勾漏山 勾漏山在梧州府鬱林州北流縣東北十五里平川中有石峯千百皆矗立特起其巖穴勾曲穿漏
因名容縣之都嶠潯州府貴平縣之白石其林麓皆相接也山之勝者曰普照巖巖如覆釜洞穴當其前巖
之西曰獨秀巖洞門宏邃中有石室容數千人巖東五里許有白沙洞縱廣一頃高數十仞下有涵井數處
皆舊時採砂處其砂獨白因名其相近者曰玉虛洞俗名念經窺觀衝洞洞中虛明瑩潔有雲從洞中出則雨風從洞
出則霽洞西南有巫山寨規圍二頃絕壁千仞圍環左右者凡十有二峯寨之北曰玉田洞洞闢三門中門
明廣可入中有石田數邱田中積水無間冬夏洞之南半里爲玉田寨高十餘仞其深莫測北流爲二池中
有小島其南潛流北出則溢入大江又西北曰寶圭洞爲勾漏之正洞有石室三道書以爲第二十二洞天
也寶圭之西則爲勾漏洞其旁又有龍潭太陽太陰諸洞皆洞之支出者也志云勾漏洞天四面石山回繞
其中忽開平野數里洞在地上不煩登陟外微敞豁中有暗溪穿貫而入與北流水合其最勝者則爲白沙
洞祝穆云勾漏甲於天下而白沙又爲勾漏第一也

其大川則有灘江 灘江與湘江同源出桂林府興安縣海陽山東北流至興安縣北醜爲二流灘水則從零
渠南出繞桂林府城南而南流岸旁數山或扼其衝或遮其去故間有亂石沙潭處清淺爲灘湛碧爲潭餘雖
深至一二丈俯視水中草石洞然清澈無翳也志云灘水上流謂之靈渠自興安縣而南有斗門上下六十

里昔秦戍五嶺命史祿鑿渠以通舟楫漢滅南越使歸義越侯嚴爲戈船將軍出零陵下灘水又東漢建武十七年馬援討徵側因史祿舊渠開湘水六十里以通餽餉後江水潰毀渠遂廢淺唐寶曆初觀察使李渤立斗門以通漕舟自是累加修濬或謂之埭江新唐書景龍中王峻都督桂州因埭江開屯田數千頃以息轉輸又咸通五年安南爲南詔所陷諸道兵屯聚嶺南江西湖南餽運皆泝湘江入零渠灘水勞費艱澀諸軍乏食有潤州人陳礪石請自福建運米汎海不一月至廣州從之諸軍食始足九年桂州刺史魚孟威因大修靈渠增置斗門渠復通利宋初計使邊訥復修之嘉祐四年提刑李師中更加濬治今自靈川縣而南亦曰靈江又曰融江入臨桂界亦曰桂江亦曰始安江又經陽朔縣東而入平樂府界亦名府江自平樂而南經昭平縣西以入於梧州界平樂舊志云府江北抵桂林南連梧州上下八百餘里兩廣舟船必由之路其西岸山勢劈削樹木叢密苗賊往往據險出沒致江道阻塞雖調兵征剿而林箐深密不能盡殲也府

考府江自桂林達梧州五百餘里爲廣右咽喉東岸連富川賀縣北抵恭城西岸連修仁荔浦南抵永安中則有上中下古摺及桂冲石峒黃泥嶺葛家峒諸巢西則有大小黃牛大小桐江及磅碌象磯馬尾冲蓮花汀等巢而朦朧仙迴高天水達等峒與五指白冑諸巢皆爲羽翼江界諸嶺深箐蒙翳諸盜憑阻其間縱橫爲患成化以後始漸就撫未幾縱惡如故萬曆初思始息南征記府江諸灘鱗次由梧州而上有象嶼大結小結簡較三門鑼鼓諸灘皆奇險而雷霹灘尤爲險惡府江至梧州之西北仍曰桂江亦曰灘江南流過府城西合於左右二江謂之三江口又東入廣東封川縣界謂之西江東至番禺入於海范成大曰湘灘二水皆出靈州之海陽山行百里分南北下北下曰湘稠灘急瀧二千里而至長沙水始緩南下曰灘名灘三百六十至梧州又于二百里

而至番禺云

漢志注瀧水出陽海山東南至廣信入鬱林九百八十里

右江 右江之源有三一曰福祿江源出貴州古州長官司西南下流入柳州府懷遠縣境邊縣西歷融縣東

又南歷柳城縣東合龍江至府城西而名柳江泝其源而言亦曰黔江從其流而名之亦曰潯江也一曰都

勻江源出貴州黃平州西南下流入慶遠府天河縣又南歷府城北謂之龍江又東經柳州府柳城縣北又

東合於融江並流至府城西南而爲柳江又東南經象州西亦曰象江又南入武宣縣界合於橫水江一曰

都泥江源出貴州定番州西北界

三源委曲俱詳見川瀆異同

流入慶遠府南丹州南及那地州北又東歷忻城縣南又

東南經遷江縣北復東南流經賓州南爲賓水又東北流歷來賓縣南又東至武宣縣西而合柳江以其自

西而東或謂之橫水江也三水同流歷武宣縣東南而爲大藤峽兩岸連山中多灘險綿互數百里經潯州

府武靖州而南繞府城北至城東而合於鬱江二江同流又東過平南縣而爲龔江又東入梧州府藤縣而

爲藤江至府城西合於桂江又經府城南而東流以至於番禺通名大江也由西北而東南中分粵西之地

遙撞出沒多在其間而自黔入粵此實爲必爭之道矣

左江 左江之上源卽盤江也有二源一曰北盤江出四川烏撒府西亂山中經貴州募役長官司東南合於

南盤江一曰南盤江源出雲南曲靖府東南

兩源委曲亦俱詳川瀆異同

亦流經募役長官司東南而會於北盤江於此

並流而入廣西界經泗城州東始謂之左江從其流而言之亦曰鬱江鬱江歷田州東南奉議州北而入南

甯府界經歸德州南隆安縣北又東經府城之南有左右江自府西南來合焉二江出交趾界流合鬱江非左右江正流也詳見甯府

又東流經永淳縣及橫州南又東經貴縣及潯州府城南繞府城而東合於黔江並流經藤縣北至梧州府

城西而合於桂江又東而為廣東肇慶府之西江也本名牂牁江漢書西南夷傳夜郎臨牂牁江江廣百餘

步足以行船南粵以財物役屬夜郎西至桐師夜郎國今見四川遵義府顏師古曰桐師西南夷種也在夜郎西葉榆西南唐蒙乃上書曰南粵

地東西萬餘里今以長沙豫章往水道多絕難行若通夜郎浮船牂牁出其不意此制粵一奇也元光五年

司馬相如通西夷除邊關益斥西至沫若水見四川大川瀘水及大渡河南至牂牁為徵元鼎五年秋伐南越以路博

德為伏波將軍出桂陽下湟水楊僕為樓船將軍出豫章下橫浦一作浪水故歸義粵侯二人為戈船下瀨將軍

出零陵或下灘水或抵蒼梧使馳義侯因巴蜀罪人發夜郎兵下牂牁江咸會番禺蓋自蜀入粵之道自漢

敗之也漢志注鬱水首受夜郎豚水注又云溫水出牂牁郡鉤封縣豚水出牂牁郡夜郎縣俱東至廣鬱入鬱水鉤封或曰在今遵義府東境夜郎見遵義府桐梓縣歐陽志曰鬱

江即豚水似誤又陶弼詠鬱江云昔年觀地志此水出牂牁亦未是蓋江以道通牂牁而名非遂出於牂牁也東至四會入海四會即今鬱林蒼梧合浦南海行四千

三十里水經注云溫水出牂牁夜郎縣與漢志不合東至鬱林廣鬱縣為鬱水漢時謂之牂牁江然則灘鬱二江

自漢已為通道惟黔江則近代始闢焉故大藤峽之紮塞幾如異域也又西南土司皆以左右江為分右江

所轄者慶遠境內羈縻州縣長官司及鎮安府田州向武奉議泗城歸順諸州安隆上林二長官司以至思

恩九巡簡司是也左江所轄者南甯境內羈縻諸州及太平以南羈縻府州縣皆是也蘇肇土司志序曰兩

江谿洞舊皆荒服唐太宗時諸夷內附始置羈縻州縣隸於邕州都督府宋參唐制析其種落大者爲州小者爲縣又小者爲峒推其雄者爲首領籍民爲壯丁以籓籬內郡其酋皆世襲分隸諸寨總隸於提舉元豐以後制漸隳矣元以左右兩江羈縻州縣俱屬南甯帥府分司管轄而上下相遁姑息爲甚明初受命兩江土酋東派交關西緣牂牁際滇之廣南莫不納土歸款朝廷第因舊制稍稍增省而已其初約束甚堅綏懷亦至間有調發趨命恐後事已則賜賚亦隨之邊郵無警者且百年其後桀驁漸萌反覆多有議者欲倣賈生衆建之說擇封疆延袤兵力雄盛者則因其勢而瓜分之夫西南土司與交州爲鄰交人不敵窺內地者以土酋力足制之耳而可自薄其藩垣哉嗟夫中官武弁視土官爲外府而墨吏以漁人收之土司尙知奉我之威令乎故曰黷貨則玩玩則無震言兩江者盍亦反其本哉

其重險則有巖關

秦城附

巖關在桂林府興安縣西南十七里興安舊全義縣也縣北三里曰全義嶺自巖關

而南二十里爲古秦城關實爲楚粵之咽喉今其地兩山壁立中爲通道置關其間署曰巖關或曰漢歸義越侯巖出零陵下灘水定越建功故以巖爲名或曰關當隘路而可畏也唐光化二年靜海帥劉士政以馬殷悉定嶺北大懼遣將戴可璠屯全義嶺備之殷遣將秦彥暉擊士政至全義士政又遣將王建武屯秦城會可璠掠縣民耕牛犒軍民怨之乃爲湖南嚮導曰此西南有小徑距秦城纔五十里僅通單騎彥暉卽遣別將李瓊由小徑襲秦城中宵踰垣而入擒王建武還示全義壁全義兵震恐因擊之擒可璠引兵趨桂州

秦城以南二十餘壁皆驚潰遂圍桂州士政出降范成大曰秦城相傳秦始皇發兵戍五嶺之地城在湘水之南融灘二水間遺址尙存石鑿無恙城北近嚴關羣山環之鳥道不可方軌秦取南越以其地爲桂林象郡而戍兵乃止湘南蓋嶺之喉衿在是稍南又不可以宿兵也宋景炎元年元將阿里海涯謀取廣西馬堅以所部兵守靜江而自帥兵守嚴關元軍攻關不能克乃以偏師入平樂過臨桂夾攻鑿鑿退保靜江近時徐謹征西記云關本爲馬抗嶺馬堅以阻元兵鑿嶺斷路處按成大已前言之此說恐未當魏氏曰嚴關北負峻嶺坡陀險阻若守禦嚴密以逸待勞敵師雖多無能難也一失其險則會城單外勢不能孤立矣嚴關之安危非卽粵西之存亡哉

大藤峽 大藤峽在柳州府象州武宣縣南三十里潯州府西北百五十里志云峽跨柳潯二郡間夾潯江而南帶象州永安修仁荔浦平樂武宣桂平諸州縣界峽中之水皆夾山澗而下砢研巖巖最爲險惡而自大藤峽截潯水而東又爲府江府江大藤相去約二百五十里志云平樂府南至潯州府平南縣斷藤峽二百五十里是也諸蠻每恃藤峽

爲奧區以桂平之大宣鄉崇姜里爲前庭象州東南鄉武宣北鄉爲後戶藤縣五屯障其左貴縣龍山據其右若兩臂然峽以北巖洞以百計如仙女關九層崖稱險絕者亦十數處迤南又有牛腸大帖諸村賊皆傍

山緣江立寨又藤峽府江之間有力山險於藤峽數倍力山南則府江也地域約六百里中多獠人以胡藍

侯諸姓爲渠魁其力山諸處獠人更善傳毒弩矢中人則立斃

藤峽考大藤峽磅礴六百里峽以北巢峒屋列不可殫名而西羅濠東紫荊後根姜老鼠

白石橫石寺塘桂州匡仙女關九層樓尤極險隘峽以北山稍廉瘠而牛腸大帖大寺白銀大灣諸村亦皆倚立立砦四塞難通自紫荊折而稍東爲茶山爲力山力山尤險自紫荊折而東北爲沙田爲林峒迤北折而稍